

ՉԵՐՔԵԶԱՅԱՆ ՋՈԿԱՏՆԵՐԻ ՄԱՍՆԱԿՑՈՒԹՅՈՒՆԸ 1915Թ. ՀԱՅԵՐԻ ՅԵՂԱՍՊԱՆՈՒԹՅԱՆԸ ԱՐՍԵՆ ԱՎԱԳՅԱՆ

Օսմանյան կայսրության նվաճված ժողովուրդների ազգային-ազատագրական պայքարի ճնշման գործում տարբեր ժողովուրդներին իրար դեմ հրահրելու օսմանյան կառավարողների քաղաքականությունը որոշ դեպքերում հաջողությամբ էր պսակվում, հնարավորություն ընձեռելով եվրոպական պետությունների առաջ հայերի, հույների, բուլղարների կոտորածները ներկայացնել որպես այդ ժողովուրդների և քրդերի ու չերքեզների միջև ընդհարման արդյունք, այլ ոչ թե օսմանյան պետության քաղաքականության հետևանք: Նման քաղաքականության շնորհիվ Օսմանյան կայսրությունը հնարավորություն ստեղծեց 1878թ. Բեռլինի կոնգրեսում հայերին ներկայացնել որպես չերքեզների և քրդերի հարձակումներից տուժող մի ժողովուրդ և պարտավորվեց հայ բնակչությանը նրանցից պաշտպանելու միջոցներ ձեռնարկել:

Հայոց ցեղասպանությունն իրականացնող «Հատուկ կազմակերպության» շարքերում չերքեզների դերը, իրոք, նշանակալի էր: Ներկա հոդվածում, մասնավորապես, հիմնական ուշադրությունը դարձվում է 1915թ. հայերի տեղահանությանը և Դեր-Ջորում ու Ռաս-ուլ-Ալին կոտորածներում ներգրավված չերքեզական ջոկատների գործունեությանը:

«Հատուկ կազմակերպության» արևելյան մահանգների բաժանմունքին կից հայերի տեղահանությունն իրականացնելու նպատակով ջոկատների կազմավորումը սկսվեց 1914թ. օգոստոսի երկրորդ կեսից, ընդ որում այդ ջոկատների համալրման համար օգտագործվում էին երեք աղբյուր՝ քրդական աշիրեթները, մարդասպանության և մահանգանքների համար դատապարտված բանտարկյալները և Կովկասից ու Ռումելիայից ժամանած մուհաջիրները:²

Մակայն «Հատուկ կազմակերպության» հիմնական ջոկատները կազմված էին մախկինում Օսմանյան կայսրություն զաղթած հյուսիսկովկասյան ցեղերին պատկանող անձանցից, որոնց կոչում էին «չերքեզ» ընդհանուր անվանումով: Չերքեզներն ակտիվ ներգրավվում էին մահ ժանդարմներիայի ջոկատների մեջ, որոնց վրա էր դրված բանակում ծառայող հայերի հավաքագրումն ու ոչնչացումը: Այդ փաստն իր արտացոլումն է գտել մահ ցեղասպանության մասին հուշապատումներում: Այսպես, Վ. Սվազլյանի «Մեծ Եղեռնը արևմը-

տսիսայոց հուշապատումներում և թուրքալեզու երգերում» գրքում ներկայացվում է երգի մի հատված, որտեղ հայ զինվորն աղաչում է չերքեզին չսպանել իրեն. (Kiyama, çerkez, kiyama tatlı canına; Yeni nişanlım var karalar bağlar):³ 1915թ. հունիսի 27-ին Կայսերիում տեղակայված զնդի հրամանատարից Ամկարայի բանակային կորպուսի հրամանատարին ուղղված հեռագրում նույնպես նշվում է Յոզգաթի հայկական գյուղերի վրա չերքեզական հեծելազորի հարձակման և հայերի նկատմամբ իրականացված դաժանությունների մասին:⁴

Չերքեզական ջոկատներից մեկը ղեկավարում էր նախկինում Իսթիհատի ֆիդայի, երիտթուրքերին ընդդիմադիր Չեքքի բնյի մարդասպան Չերքեզ Ահմեդը, որը կազմակերպել էր օսմանյան խորհրդարանի երկու հայ պատգամավորների՝ Գրիգոր Չոհրապի և Վարդգես Սերենգուլյանի սպանությունը, ինչի համար Դամասկոսում Ջեմալ փաշայի կողմից մահապատժի դատաւարություն էր սահմանվել:⁵ Հայոց ցեղասպանության ժամանակ գործած դաժանությունների համար, թուրք զենքերս Ալի Ֆուստ էրդեմը Չերքեզ Ահմեդին և «Հատուկ կազմակերպության» չերքեզական մեկ այլ ջոկատի հրամանատար Հալիլին անվանում է «արյունալի բռնիդաջիներ»:⁶

Չերքեզ Ահմեդն ու Հալիլը «Հատուկ կազմակերպության» հյուսակախների գրեթե միակ ղեկավարներից էին, որոնք արժանի պատիժ կրեցին հայերի տեղահանության ժամանակ իրագործած կոտորածների համար: Մեծ եղեռնի պատմության մեջ Հալիլի անվան հետ է կապված Արդվինի հայերի մասսայական կոտորածի կազմակերպումը: Թուրք պատմաբան Ահմեդ Ռեֆիկի վկայությամբ, ազգությամբ չերքեզ Հալիլն այնպիսի դաժանություններ էր արել Արդվինում, որ երեք տարի անց այդ քաղաք ժամանած Ահմեդ Ռեֆիկը նշում է, թե «խեղճ հայ կանայք թուրքական համազգեստով մարդուն տեսնելուց, սարսափահար փախչում ու քաքնվում էին»:⁷ Իսկ Չերքեզ Ահմեդն այդ ընկալ Վանի շրջակա գյուղերում հայերի կոտորածների կազմակերպմամբ: Հետագայում գովաբանելով իրեն, նա նշում էր. «... ես շրջեցի Վանն ու մերձակա գյուղերը: Այսօր դուք այնտեղ ոչ մի հայ չեք կարող տեսնել»:⁸

Սակայն Մեծ Եղեռնի պատմության մեջ նրանք ավելի հայտնի դարձան Դիարբեքիր ուղարկված երկու հայ պատագամավորների սպանությամբ: Ֆալիլի Ռիֆիի Արալի վկայությամբ, Չերքեզ Ահմեդի և Հալիլի ձերբակալության մասին Ջեմալ փաշայի հրամանը պայմանավորված էր նրանով, որ վերջինս Դամասկոսում հանդիպելով Գրիգոր Չոհրապի և Վարդգես Սերենգուլյանի հետ, երաշխավորել էր նրանց անվտանգությունը: Էսքիչեհլիում Չերքեզ Ահմեդի և Հալիլի ձերբակալությունից հետո, նրանց իրերում՝ հայ սպանված կանանցից քալանած, մեծ քանակությամբ ոսկե և արծաթե իրեր հայտնաբերվեցին:⁹ Չնայած Թալաթի միջամտությանը, Ջեմալ փաշայի հրամանի համաձայն երկու բռնիքալիները Դամասկոսում կախաղան հանվեցին:¹⁰ Ուշագրավ է, որ Չոհրապի և Սերենգուլյանի սպանությունից մի քանի ամիս առաջ, Ահմեդը, երկու այլ հրոսակախների չերքեզ հրամանատարների հետ, հանդիպել էր Ջեմալ փաշային, առաջարկելով Չորրորդ բանակի շրջանում կազմակերպել խոշոր հյուսակախումբ և խալաթ բնաջնջել այդ շրջանում գտնվող բոլոր հայերին, սակայն Ջեմալ փաշան մերժել էր այդ առաջարկը:¹¹

1915թ. աշնանը Գուրեմն և Աթա Բյուքյուր տեղմասերում Դանիյալի (շապուղ) հրամանատարությամբ «Հատուկ կազմակերպության» չեր-

քեզական ջոկատներից մեկը, թուրք զինվորների հետ միասին կազմակերպեցին Ուրֆայի և մոտակա գյուղերի երիտասարդ հայերի սպանությունը:¹²

Հայերի ցեղասպանության ակամատես Ամեդ Ռեֆիկի վկայությամբ. «Հայերի համար ամենասարսափելի Փոզանթի արտաքսումն էր: Նրանք սարսափահար էին լինում այնտեղ ջոկատների հարձակմանը ենթարկվելու մտքից անգամ: Ո՞ր ջոկատների մասին է խոսքը: Դրանք «Թուրամի քաղաքականություն», «Իսլամի միավորում» անվան տակ Կովկաս ուղարկվելիք իթթիհատական ջոկատներն էին»:¹³ Չերքեզներից կազմված և Կովկաս ուղարկվող ջոկատները զգալի դեր խաղացին Էրզրումի վիլայեթի հայերի տեղահանության գործում:

Մարաշի և մոտակա գյուղերի հայերի շարասյունը Դեր-Ձոր էր ուղարկվել դարձյալ չերքեզական ջոկատի ուղեկցությամբ: Շարասյունը ժամանել էր Հաբուր գետի վրա գտնվող Սուվար քաղաք, ուր մուդիրը նույնպես չերքեզ էր: Մոսլիի կարգադրությամբ հայերի վերջին փողերը հավաքվեցին, և Հաբուրի ափին մեծ ճամբար ստեղծվեց, ուր ժամանեցին Այնթապի, Հաջնի, Ալքիստամի հայերի շարասյունները: Տեղահանված հայերից մեկի՝ Մանուկ Կիրմենիկյանի վկայությամբ, 1916թ. հոկտեմբերի վերջին մուդիրի հրամանով այդ ճամբարի հայերը պատրաստվում էին շարունակել իրենց ճանապարհը դեպի Դեր-Ձոր, սակայն շարժվելու նախօրեի երեկոյան «չերքեզներից և արաբներից կազմված հրոսակախումբը, զինված ամեն տեսակի զենքով, շրջապատեց շարասյունը: Տեղահանվածների ամբողջ ունեցվածքը, ընդհուպ մինչև ներքնաշորերը, մի մեծ կույտի դիզվեցին: Չերքեզներն իրենց վերցրին ամենալավը, ինչով բարձեցին ձիերին, մնացորդներն էլ՝ արաբներին»:¹⁴ Ինքը՝ Մանուկը, երեք ընկերների հետ, փրկվել էր մի չերքեզի օգնությամբ:

Շիդադեյում, Դեր-Ձորի մյութեսարիֆ չեչեն Ջեքքի բեյի կարգադրությամբ, չերքեզական հրոսակախումբը կազմակերպել էր 15 000-անոց հայերի շարասյունի ոչնչացումը:

Արևմտյան Անատոլիայի «Հատուկ կազմակերպության» հրոսակախմբերի հրամանատարներից հայտնի են հյուսիսկովկասյան ծագում ունեցող Սարի Էդիպը, Դայը Մետոթը, Յահյա քափթանը, Քարա Արսլանը և Իփսիզ Ռեջեփը: Հետագայում նրանք բոլորը իսպանիայի տեղահանություններին մասնակցության մեղադրանքով հետապնդումների ենթարկվեցին անգլիացիների կողմից, ավելի ուշ՝ դարձան Էգեյան շրջանում քեմալական նորաստեղծ ուժերի հիմնադիրներ:¹⁵

Սևծովյան ավազանում հայերի տեղահանության գործում ակտիվ դեր խաղացին հյուսիսկովկասցիներ՝ գնդապետ Հալիթը, հետագայում ազգայնական շարժման ակնառու գործիչ Յահյա Քահյան և Ահմեթ Բարութչուն: Յահյա Քահյան և Ահմեթ Բարութչուն կազմակերպել էին Տրապիզոն քաղաքի և վիլայեթի հայերի տեղահանությունն ու ոչնչացումը: Տրապիզոնի հայերի տեղահանության կազմակերպիչներից էր նաև այդ շրջանի վալի, չերքեզ Բեքիր Սամին:¹⁶

Այսուհանդերձ, վերլուծելով 1915թ. Հայոց ցեղասպանության պատմությունը, կարելի է փաստել, որ ընդհանուր առմամբ չերքեզական ջոկատների և հրոսակախմբերի դերը Արևմտյան Հայաստանում հայերի տեղահանման և ոչնչացման գործում մեծ չէր, քանի որ այդ նպատակի համար թուրքական կառավարությունն օգտագործում էր առաջին հերթին քրդերին, որոնց ձեռքերով էլ, հիմնականում, ոչնչացվեց հայ բնակչությունը: Չերքեզ-

ների օգտագործումը հայերի մասայական կոտորածներում ավելի ակնհայտ էր Դեր-Ջորիի և Ռաս-ուլ-Այնի իրադարձություններում: Այդ տարածաշրջաններում չերքեզների վերաբնակեցումը տեղի ունեցավ 1877-78թթ.: ռուս-թուրքական պատերազմից հետո, ու նրանք, 1915թ., փաստորեն, հանդիսանում էին օտար տարր շրջակա արաբ բնակչության համար և ատելությանը էին լցված բոլոր քրիստոնյանների նկատմամբ, հիշողության մեջ դեռևս վառ պահելով Կովկասյան պատերազմը և ռուսների կողմից կազմակերպված հյուսիսկովկասցիների մասսայական արտագաղթը: Ուշագրավ մի հանգամանք ևս. պատերազմը համակրամբ չէր վայելում Ռուսագրավ մի հանգամանք ևս. պատերազմը գոհվել մի երկրի համար, չերքեզների շրջանում, որոնք չէին ցանկանում գոհվել մի երկրի համար, որը դեռևս չէին ընկալում որպես հայերենի: Այդ պատճառով բանակ զորադրված չերքեզների շրջանում դատաբարությունը մեծ չափերի էր հասել և երկրի ներքուստ բուրքական իշխանությունների կողմից նրանց օգտագործումն ավելի արդյունավետ էր:

Սիրիական ամապատում հայերի մասայական ոչնչացումը սկսվեց 1916թ. գարնանը: «...Եվ այդ ամապատումներում կազմակերպվեցին երեք տոսկալի ջարդեր, առաջինը՝ Ռաս-ուլ-Այնում, որտեղ գոհվեց մոտավորապես 70 000 հոգի, երկրորդը՝ Ինթիլիիում, ուր համախմբված էին 50 000 հոգի, որոնք հիմնականում աշխատում էին Բաղդատի երկաթուղու բունելմենի կառուցման վրա: Իսկ երրորդը, որն ամենագարհուրեղյուն եղավ՝ Դեր-Ջորում, ուր Ջեքքի բեյը 200 000 հայ սպանեց», - մշում է իրադարձությունների ժամանակակից Արամ Ամտոնյանը:¹⁷

Սիրիական ամապատում հայերի ոչնչացումը սկսվեց Ռաս-ուլ-Այնի ճամբարից: Այդ ծրագրի իրականացման համար «Հատուկ կազմակերպության» հրահանգով Ռաս-ուլ-Այնի մոտ գտնվող չեչենական Սաֆա գյուղի երիտասարդությունից ստեղծվեց հատուկ ջոկատ, որը ղեկավարում էր Արսլան բեյը: Այդ գյուղից էր նաև Ռաս-ուլ-Այնի և Դեր-Ջորի հայերի ոչնչացման կազմակերպիչներից մեկը, ջրհորներում հայ երեխանների այրման հրաման արձակած Ահմեթ Սելիմը: Սաֆա գյուղի չեչենների հրոսակախումբը զինվել էր Հալեպի բանակային պահեստներից: «Ռաս-ուլ-Այնի եղերական դեպքերի հյամանը տրվել էր ամմիջապես Հալեպից: Այս հյամանը տրված էր այդ հրոսակախմբի պետերին: Նրանցից մի քանիսը եկել էին Հալեպ և հանդիպել կուսակալ Մուսթաֆա Աբյուլիալիք բեյի հետ: Նրանց վերադարձից չորս-հինգ օր հետո՝ Ռաս-ուլ-Այնի քայմաքանը (Զերիմ Ռեֆի բեյ) ծածկագրով իմացավ հասնելու և հրահանգներ ընդունելու մասին»:¹⁸

Գերմանացի հյուպատոս Ռեպերը վկայում էր, որ դեռևս մինչև մասսայական ոչնչացման սկիզբը, Ռաս-ուլ-Այն ժամանող տեղահանվածների շարասյունները «թալանվում էին մերձակայքում բնակվող չեչենների և ժանդարմների կողմից»:¹⁹

Ռաս-ուլ-Այնում հայերի մասսայական կոտորածը սկսվեց 1916թ. մարտի 17-ին և անեց մինչև հունիս, երբ բոլոր հայերը ոչնչացվեցին, և այդ շրջանի «Հատուկ կազմակերպության» պատասխանատու Ալիլ բեյը, իր պարտականություններն ավարտված համարելով, մեկնեց Հալեպ: Ռաս-ուլ-Այնի մասսայական կոտորածի մյուս կազմակերպիչ չեչեն Ջեքքի բեյը մշանակվեց Դեր Ջորի կուսակալ, հրահանգ ստանալով այնտեղ մույնպես իրականացնել Ռաս-ուլ-Այնի կոտորածը: Սակայն Դեր-Ջորում մասսայական կոտորած կազմակերպելն անհամեմատ ավելի դժվար էր, քանի որ

Դեր-Չորը հանդիսանում էր տարագրված հայերի ամենամեծ ճամբարը: Այդ իսկ պատճառով Չեքքի բեյը «ստիպված էր Դեր-Չոր կանչել Ռաս-ուլ-Այնի ջարդերն իրականացնող բոլոր չեչեններին, որոնք գնացել էին միանալու Մեֆայի իրենց ազգակիցներին: Բայց դարձյալ ջարդարարները սակավ էին զոհերի համեմատ: Հասկանալով, որ չեչենների միջոցով գործը չպիտի լրանա, Չեքքի բեյը Դեր-Չորի շրջակա արաբ աշիրեթներին խոստացել էր զոհերի հագուստներն իրենց տալ, եթե ջարդերին օգնեն: Եվ նրանք ընդունել էին: Մեծ մասը նրանց ձեռքով ջարդվեց»:²⁰

Դեր-Չորի ջարդերը տևեցին 1916թ. ապրիլից մինչև հունիս և ընթացան կուսակալ Չեքքի բեյի անմիջական հսկողության տակ: Ամեն օր հայերին մի քանի հարյուր հոգիանոց խմբերով տանում և ոչնչացնում էին: Դեր-Չորի ջարդերում աչքի ընկավ հրոսակախմբերից մեկի առաջնորդ Յոմար ալ-Խակիմը, որի երակներում կիսով չափ չերքեզական արյուն էր հոսում: Դեր-Չորի կոտորածներից հետո նա հետապնդում էր այդ շրջաններում հրաշքով փրկված հայ բնակչության բեկորներին: 1918թ., ֆրանսիական զորքերի Սիրիա մուտք գործելուց հետո, նա ձերբակալվեց հայ լեզիոներների կողմից և կախաղան բարձրացվեց Դամասկոսում:

Դեր-Չորի և Ռաս-ուլ-Այնի կոտորածներից բացի չերքեզական հրոսակախմբերը մասնակցեցին Շիդադեյում տեղի ունեցած հայերի մասսայական սպանդին: Շիդադեյի իրադարձությունների մասին վկայում է գերմանացի հյուպատոս Ռեպերը, որն իր զեկույցում ներկայացնում է այդ կոտորածի մանրամասն պատկերը, հենվելով մագապուրժ հայերի վկայությունների վրա: «Բազմօրյա թափառումներից հետո նրանք [հայերը] կանգնեցին Խարուր գետի ափին՝ Շիդադեյի մոտ: Մյուս օրը արագ ժամանեց չերքեզների հրոսակախումբը և շրջապատեց շարասյունը: Չերքեզները խլեցին հայերից ամենը, ինչ կար նրանց մոտ և նույնիսկ մերկացրին հայերին: Փողերը, և զարդերը չերքեզները պահեցին իրենց մոտ, իսկ հագուստները տվեցին արաբներին: Այնուհետև բոլոր հայերին՝ մերկ տղամարդկանց, կանանց և երեխաններին քչեցին դեպի Քարադաղ, ուր հասան երեք ժամ անց: Քարադաղի հյուսիսային լանջին, բլրապատ բարձրահարթում նրանց կանգնեցրին: Այստեղ չերքեզները կացիներով ու սրերով հարձակվեցին իրենց զոհերի վրա, մինչև արյունը չհոսեց վտակների պես և ամբողջ դաշտավայրը պատվեց դիակներով: Հովսեփը ակամատես էր, թե ինչպես Դեր-Չորի մյուսեսարիֆը ձիասայլից հետևում էր սպանդին և ոգևորում մարդասպաններին, իսկ զինվորները շրջապատել էին դաշտավայրը... Այն բանից հետո, երբ ամբողջ գունդը մի քանի անգամ անցավ դիակների վրայով և նրանցից ոչ ոք չշարժվեց՝ չերքեզները հեռացան»:²¹

Ռաս-ուլ-Այնում և Դեր-Չորում հայերի մասսայական ոչնչացումը, փաստորեն, նշանակում էր Հայոց ցեղասպանության ծրագրի հիմնական մասի իրականացում: 1916թ. մայիսին Բեռնում ռուս դեսպանորդ Ա. Մանդելշտամը զեկույցում էր. «Փոքր Ասիայում հայ բնակչություն գրեթե չկա՝ նրանք կամ ոչնչացված են, կամ տեղահանված և միայն բեկորներն են ապաստան գտել ղզզլբաշների մոտ: Գյուղերում մահմեդական բնակչությունը զոհունակություն է հայտնում, որ հարստացել է հայերի հաշվին»:²²

Այսպիսով, 1915թ. Հայոց ցեղասպանության ժամանակ չերքեզների օգտագործումը թույլ տվեց թուրքական իշխանություններին լրացուցիչ զինվորական ուժեր չկանչել ռազմաճակատներից: Չերքեզները հանդիսա-

ցամ թուրքական կառավարության ծրագրի իրականացման լրացուցիչ, հարմար միջոց:

ՇՆՆՈՑԱԳՐՈՒԹՅՈՒՆՆԵՐ

- ¹ Տե՛ս Ավագյան Ա. Դեպոսիտ 1915-ի. Մեխանիզմն քննարկում է և իրականացնում է Օսմանյան կայսրության և Երևան, 1999, էջ 67-86: ինչպիսի մասն. Ավագյան Ա., Չերքեսսկի ֆակտորը Օսմանյան կայսրության և Երևան, 2001, էջ 224-232.
- ² Տե՛ս Taner Akcam. İnsan Hakları ve Ermeni Sorunu İttihat Terakki'den Kuruhiş Savaşına, İstanbul, 1999, s. 227.
- ³ Տե՛ս Ավագյան Ա. Երևան. Մեծ Եղեռնը արևմտահայոց հուշապատմությունում և թուրքալեզու երգերում, Երևան, 1997, էջ 9:
- ⁴ Տե՛ս Taner Akcam. Ուշ. աշխ., էջ 238:
- ⁵ Տե՛ս Ahmed Refik Altınay. İki Komite İki Kıtıl, İstanbul, 1992, ss. 42-43.
- ⁶ Տե՛ս Zürcher E. J. The Unionist Factor. The Role of the Committee of Union and Progress in the Turkish National Movement 1905-1926, Leiden, 1984, p. 13.
- ⁷ Տե՛ս Ahmed Refik Altınay. İki Komite İki Kıtıl, İstanbul, 1992, ss. 42-43.
- ⁸ Նույն տեղում, էջ 42:
- ⁹ Տե՛ս Falih Rıfki Atay. Zeytinadağı, İstanbul, 1981, s. 67.
- ¹⁰ Նույն տեղում:
- ¹¹ Տե՛ս Ahmed Refik Altınay. İki Komite İki Kıtıl, İstanbul, 1992, ss. 42-43.
- ¹² Տե՛ս Գահուճեան Եղիա. Յուզեր Ուրֆայի 1915-ի. հերոսամարտի և յետագայ իրադարձություններու մասին, Երևան, 1995, էջ 22-23:
- ¹³ Տե՛ս Ahmed Refik Altınay. İki Komite İki Kıtıl, İstanbul, 1992, s. 39.
- ¹⁴ Տե՛ս Армянский вопрос и геноцид армян в Турции (1913-1919). Материалы Политического архива Министерства иностранных дел кайзеровской Германии, Ереван, 1995, стр. 405.
- ¹⁵ Տե՛ս Танер Акчам. Турецкое национальное "Я" и Армянский вопрос, М. 1995, стр. 137-138.
- ¹⁶ Տե՛ս Զաւէն Արքեպ. Պատրիարքական յուշեր, վաներագիրներ եւ վկայութիւններ, Գահիրէ 1974, էջ 22:
- ¹⁷ Տե՛ս Անտոնյան Արամ. Մեծ Ոճիրը, Երևան 1990, էջ 18:
- ¹⁸ Նույն տեղում, էջ 54-55:
- ¹⁹ Տե՛ս Армянский вопрос и геноцид армян в Турции (1913-1919)... стр. 224.
- ²⁰ Տե՛ս Անտոնյան Արամ. Մեծ Ոճիրը, Երևան 1990, էջ 57:
- ²¹ Տե՛ս Армянский вопрос и геноцид армян в Турции (1913-1919)... стр. 403-404.
- ²² Տե՛ս Архив Высшей Политики Российской Империи, ф. 151, Политархив, оп. 482, л. 4073, 1914-17 гг., л. 93.

Резюме

Участие черкесских отрядов в геноциде армян 1915г.

Арсен Авакян

Черкесские отряды составляли основу создаваемых при отделении восточных вилайетов "Осевой организации" отрядов, призванных осуществлять депортацию армян из мест проживания в сирийскую пустыню. В истории геноцида 1915г. известны имена Черкеса Ахмеда и Халиля, организовавших депортацию и массовое уничтожение армян Арташеса и Ванского вилайета, а также организовавшие убийство Григора Зограва и Вардкеса Серенгуляна. Большую роль в массовом уничтожении армян Эрзерумского

вилаяета сыграли черкесские отряды, известные под названием "Единение Ислама". В Трабзоне и вилайете действовали отряды Яхья Кяхья и Ахмеда Барутчу.

Наиболее примечательно участие черкесов в истории геноцида армян 1915г., когда их руками турецкие власти осуществили массовое уничтожение депортированного армянского населения в Рас-уль-Айне, Тер Зоре и Шидадье.

Участие черкесов в геноциде армян явилось основной причиной их массовой вовлеченности в националистическое движение 1919-1922гг.

S u m m a r y

The Participation of Chircassian Bands in the Armenian Genocide of 1915.

Arsen Avakyan

The Circassian bands were the keystone of the "Special Organisation" bands created by the branch of the East vilayets calling upon to bring about the deportation of the Armenians from the places of habitation to the Syrian desert. In the history of Genocide of 1915 are famous the names of Circassians Ahmet and Halil, which organised the deportation and mass killings of Armenians from the vilayets of Artvin and Van, as well as the assassination of Grigor Zohrab and Vardkes Serengulyan. The main role in the mass killings of Armenians of the Erzurum vilayet was played by Circassian's bands known by the name "Unity of Islam". In Trabzon and in vilayet had been functioning the bands of Yaghya Kaghya and Ahmed Barutch.

More notable participation of Circassians in the history of the Genocide of Armenians in 1915 is when by their hands Turkish authorities brought about the mass killings of the deported Armenian population in Ras-ul-Ayn, Ter Zor and Shidadye.

The participation of Circassians in the Armenian Genocide were the main reason of their mass involvement in the national movement of 1919-1922.